



## **Kattuseqatigiit Partiiat**

Tlf. 299 34 61 11 / 34 62 52 - fax 299 32 62 35  
Postboks 74, 3952 Ilulissat - tlf./ fax 299 94 47 53

**Anthon Frederiksen**

**Ulloq 26. april 2007**

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

(inatsisartunut ilaasorta q Anthon Frederiksen, Kattuseqatigiit partiiat)

### **Naalakkersuisunut apeqqut:**

1. Inatsisartunut ilaasortat 23-inut imaluunniit 25-inut appartinneqarsinnaanerat naalakkersuisut qanoq isumaqarfingaat ?
2. Naalakkersuisunut ilaasorta q kommunerujussuit atuutilerpata qassinik ikilisinneqarsinnaasappat ?
3. Inatsisartunut ilaasortat naalakkersuisullu ikilisinneqarsinnaanerat nunatta karsianut ataatsimut katillugit qanoq atsigisunik sipaaruteqarfigineqarsinnaappat ?
4. Inatsisartunut qinersisarnermi inatsip allanngortinneqarsinnaanera naalakkersuisut qanoq isumaqarfingaat, tassa qinigassanngortittartut amerlassusii eqqarsaatigalugit ?
5. Qinersisarnermut inatsit allanngortinneqassangaluarpat, tamanna nunatta kasse-anut qanoq atsigisumik sipaarutaasinnaava ?

### **Tungavilersuut:**

**Siullermut, aappaanut pingajuanullu:** Naluneqanngitsutut kommunerujussuit atuutilerpata, inatsisartut naalakkersuisullu annerusumik inatsiseqarnermut tungasut suliaassalerilertussaangaat kommunit aaqqissuuteqqinneqarnissaat pillugu suleqatigiisitaasimasup inassuteqaataanut ilaapput. Taamaattumik assut soqutiginarpoq; naalakkersuisut maannamut qanoq pilersaaruteqarnersut, qulaani apeqqutit pillugit.

**Sisamaannut tallimaannullu:** Naluneqanngitsutut inatsisartunut qinersinermi qinigassanngortittartut tamatigit 200-ut sinneqartarput. Tamannalu aamma qineqqusaarnermi aningaasartuuteqarnernermik kinguneqartarpoq. Tassa maannakkut inatsisartunut qinersisarneq pillugu inatsit naapertorlugu partiiat tamarmik amerlanerpaamik 62-inik qinigassanngortitsisinnaammata. Maannalu partiiat tallimaammata partiiat tamarmik katillugit 310-inik qinigassanngortitsisoqarsinnaalluni.

Tamatta nalunngilarput, inatsisartunut qineqqusaartoqartillugu qinigassanngortittut ima amerlatigisartut, allaat qineqqusaqaataasut ilaat qineqqusaarutiminnik saqqummiussaqaarnissaminnut periarfissaqanngajattarlutik.

Aammalu angallanneq eqqarsaatigalugu qineqqusaarnermut atatillugu angalanerni – angallattunut allanut sunniuteqarnerluttarmat. Taamaattumik qinigassanngortittartut amerlassussaasa ikilisinneqarsinnaanerat naalakkersuisunit qanoq takorloorneqarnersoq paaserusunnarpoq. Tassa aamma aningaasanik sipaaruteqarsinnaaneq matumani eqqarsaatigalugu.

Siunnersuut inatsisartunut qineqqusaarusuttunik mattussiniarnertut isigeqqunangilaq, kisiannili angallannikkut pitsaannerusunik periarfissaqartitsinissamik, qineqqusaarutimik saqqummiinissamut periarfissat pitsaanerulersinneqarnissaannik aammalu aningaasaqarnikkut sipaaruteqarsinnaanermik tungaveqarpoq.

Neriuppunga piaartumik akissuteqarfigineqarumaarlunga.